



Uunga siunnersuut: Piniarneq aallaaniarnerlu pillugit Inatsisartut inatsisaat.

(Aalisarnermut, Piniarnermullu Naalakkersuisoq)

Siullermeernera

Naalakkersuisut sinnerlugit matumuuna piniarneq aallaaniarnerlu pillugit Inatsisartut inatsisissaattut siunnersuut Aalisarneq Piniarnermullu Naalakkersuisup saqqummiusnaanut imatut Naleqqamiit oqaaseqaateqassaagut.

Piniarneq aallaaniarnerlu pillugit Inatsisartut inatsisaat 1999-imi akuersissutigineqarsimasoq kingornalu pingasoriarluni allangortinneqartarsimasoq kingullermik 2008-mi naleqqussaaffigineqarsimasoq maannakkut nutarterniarlugu siunnersuut Aalisarneq Piniarnermullu Naalakkersuisup suliassanngorlugu Inatsisartunut saqqumiussaa imarisamigut naleqqussagassarpasuaqartoq Naleqqamiit maluginiarparput, tamannalu uniffiginatigu ullutsinnut nutarterlugu naleqqussarniarlugu Naalakkersuisup siunnerfeqarnera tapersorsorlutigu naleqqussaaffigisariaqartut suleqatigiinnikkut naleqqussarlugit Piniarneq aallaaniarnerlu pillugit Inatsisartut inatsisaat ullutsinnut naleqqussarnissaanut kinguarsaqqinnagu Naleqqamiit suleqataassaagut.

Aalisarneq piniarnermullu Naalakkersuisup saqqummiinnermini oqaatigaa Kalaallit Nunaanni piniarneq aallaaniarnerlu pillugit Inatsisartut inatsisaat paasiuminartumik aammalu ullutsinnut naleqquttumik atuisunullu paasiuminarlunilu atoruminartumik pilersititsinissarput piniarnermut aallaaniarnermullu inatsimmi pingaartinneqarlunilu siunertaasoq.

Piniarneq aallaaniarnerlu inuiaqatigiinnut Kalaallit Nunaanni sineriammi isorartoqisumi pingaaruteqartorujussuit ilagilluinnarpaat tamaammat Aalisarneq Piniarnermullu ataatsimiititaliami sukumiisumik nalilersugassat imarisaani assigiinngitsut ataatsimiititaliami suliassaasut takusinnaasagut Naleqqamiit peqataaffigissavagut.



Piniarneq assigiinngitsorpassuartigut inuiaat kalaallit ingerlataqarfigaat aammalu kulturikkut annertuumik pingaaruteqarluinnartut ilagiinnarnagu inuusaattitsinnut ilaalluinnarpoq, amerlasuummi suli pinngitsoorsinnaanagu inuusaaseraat, taamaammallu nunatsinnut aammalu nunap inuisa inuusaasaannut naleqquttumik aqqissuussiffiginissaa aatsaat taama pingaaruteqartigaaq.

Naalackersuisut siunnersuummi saqqummiussamut ilanngullugu oqaatigaa piniagassat nungusaataangitsumik tunngaveqarluni atorneqarnissaasa qulakkeernissaat siunnersuummi matumani Naalackersuisut ilanngullugu siunertarigaat.

Tamatumunnga tunngatillugu Naleqqamiit oqaatigiugarput oqaatigeqqissavarput, aap ukiorpassuarni kinguariit manna nuna najorsimavaat, uumasunik nungutitsinngisaannaarlutik avataaniilli aammalu atortorissaarutit siuariartornerat ilutigalugu naleqqussaasoqartarnera ilaatigut avaqqukkuminaassinnaasartuq, taamaakkaluartorli aammaarluta erseqqissaqqissavarput uagut nammineq aallaavigaluta aammalu nunnap inui aallaavigalugit aqqissuussisarnerput annertunerusumik ingerlatilertariaqaratsigu.

Amerlasuutigut uumasunik illersuineq annertuallaarpoq allaat nunaqavissut taamaaliornikkut pilliutaasarput. Nunap inuisa inuusaasiat illersorsinnaanerusariaqarparput. Aap kinguaassagut pillugit killilersuissaagut, kisianni killilersuisarnerput imatut ingasatsigilersimavoq inuusuttortatta nunatta pissarititai amerlasuut nalulersimavaat nerissaaramikkit taamatut ingerlaannarutta siunissami sukkut qanorlu nerisarnagit iluaqutigissagamikkit tamarmik assilisaaginnagassatut pinngortitami takornariagassatut inissimalersinnaanngillat, tamatumuunakkut pikkorinnerusariaqarpugut piniagassat aquneqarnerani pikkorinnerusariaqarluinnarpugut.

Taamatullu piniarneq eqqarsaatigalugu nunatta piniagassatigut pisuussutaannik atuinissaq nungusaataangitsumik atuinissami aqqissuussisarbitsinni inuit nungusaataasutut kisimik inissinniarneqartarnerat Naleqqamiit pissusissamisuunngitsutut isigiinnaratigu aamma pissutsinut paasisimasaaqanngilluinnarnermik taakkartortuakkatta ilagilluinnagaat aammaarluta erseqqissaqqissavarput periarfissaq manna iluatillugu.



Naleraq

UPA2022/170
Jens NapâtôK'

Pinngortitap nammineq illersornera, piniagassanut illersueqataasoq taasagarput amerlasuut suusoq naluaat tamanna paasineqaannarani toqqaviit ilagilerluinnartariaqarpaat.

Taamatullu ingasattajaartumik killilersuinerujussuup uumasut imminnut nerisaqaqatigiinnerat innarlarerujussuuartarparput uumasut ilaat illersorniaraluarlugit, tamakku tamaasa assigiinngitsutigut toqqammavilersortarnikuugatsigit ataatsimiititaliami ilanngullugit sukumiisumik suliaqarnermi nalilersortuakkat ilagilluinnartariaqarpaat naleqqussaaajuarnitsinni.

Piniarneq aallaaniarnerlu pillugit inatsisartut inatsisissaattut siunnersuut annertoourujussuuvoq oqaaseqarnissamik sivitsuineramik qinnuteqartoqaraluarpalluunniit uani tamakkerlugit oqaasertalersorneqarsinnaanngillat, taamaammatt sukumiisumik ataatsimiititaliami naleqqussartariaqartut qulaajartariaqartullu suliaassaapput tamannalu pillugu Naleqqamiit nunap inui aammalu atuisut pillugit illersuinissarput ingerlatissavarput Naalakkersuisoq suleqatigalugu pitsaasumik aaqqiinissaq siunertaralugu.

Taamatut oqaaseqarluta Aalisarnermut Piniarnermut nunalerinermullu Ataatsimiititaliami aappassaaniinnginnerani suliarineqarnissaa innersuussutigaarput.